

# TOU AZIÈM PATI

## Lavi nan Kris-la

---

### PRÉMIÉ SÉKSION

## Vokasion moun-nan : lavi nan Éspri-a

---

#### PRÉMIÉ CHAPIT

## Dignité moun-nan kòm moun

---

#### ATIK 7

### *Vèrtu-yo (Bon kalité-yo)*

1803 « Tou sa-k vré, tou sa-k pròp, tou sa-k kòrèk, tou sa-k san tach, tou sa-k mérité rinmin, tou sa-k gin bon rénomé, si gin yon bon kalité, si gin yon louanj, sé bagay sa yo pou nou kalkilé » (Ph 4, 8).

1733 Vèrtu-a (bon kalité-a) sé yon dispozision abituèl épi solid pou fè sa ki byin-an. Li pèmèt moun-nan réalizé aksion ki bon épitou pou-l bay sa-k pi bon nan li. Moun ki gin vèrtu-a ap chèche byin-an ak tout fòs sansib épi spirituèl li-yo ; sé sa l-ap chèche épi li chouazi nan aksion konkrè li fè-yo :

1768

« Finalité yon lavi yo viv ak vèrtu sé pou moun-nan vîn sanblé ak Bondié » (S. Grégoire de Nysse, beat. 1 : PG 44, 1200D).

### **I. Vèrtu (Bon kalité) moun-nan kòm moun**

1804 Vèrtu moun-nan kòm moun sé abitud solid, dispozision stab, pèfeksion abituèl intèlijans-la ak volonté-a, ki réglé aksion nou-yo, ki mété lòd nan pasion nou-yo épi ki kondui fason nou aji-a dapré rézon-an ak lafoua-a. Vèrtu-yo bay fasilité, kontròl tèt-ou épi kè kontan pou minnin yon lavi ki moralman bon. Moun ki gin vèrtu-a sé moun ki fè byin-an libréman.

2500

1827 Vèrtu moral-yo, yo rivé ginyin yo ak pròp kapasité moun-nan kòm moun. Yo sé frui ak jèm aksion moral ki bon-yo ; yo dipozé tout fakilté moun-nan pou-l kominié (fè youn) ak rinmin Bondié-a.

### **Distinksiyon vèrtu kardinal-yo**

- 1805 Gin kat vèrtu ki ranpli fonksion « gon » (*cardo*) [pou lòt-yo]. Sé poutèt sa yo rélé yo « kardinal » ; tout lòt-yo òrganizé alantou yo. Sé prudans-la, jistis-la, fòs-la épi tanpérans-la. « Si yon moun rinmin jistis, aktivité-l yo sé vèrtu (bèl kalité) yo yé, li aprann réyèlman prudans, tanpérans, jistis ak fòs » (Sg 8, 7). Yo sèvi ak lòt non pou yo fè louanj vèrtu sa-yo pliziè koté nan Sint-Ékritu-a.
- 1806 *Prudans-la* sé vèrtu ki dispozé rézon pratik-la pou-l disèné sa-k vrè byin nou-an nan tout sikonstans épi pou-l chouazi mouayin ki kòrèk pou-l ka réalizé-l. Moun « ki gin ladrès fè atansyon koté l-ap pozé pié-l » (Pr 14, 15). « Sé pou nou gin bon jijman, sé pou nou véyé nan priyé » (1 P 4, 7).  
1788 Prudans-la sé « règ ki douat pou aksion-an » (*recta ratio agibilium*), jan sin Toma d'Akin ékri-a (s. th. 2-2, 47, 2) aprè Aristòt. Li pa konfonn ni ak timidité ni ak krint ni ak ipokrizi oubyin fè sanblan. Yo rélé-l « *auriga virtutum* » : sé li réyèlman k-ap réglé lòt vèrtu-yo antan-l indiké yo règ-la ak mézi-a. Prudans-la gidé jijman konsians-la imédiatman. Moun ki prudans-an desidé fason l-ap aji épi li ranjé-l antan-l suiv jijman sa-a. Ak vèrtu sa-a, nou apliké prinsip moral-yo san nou pa tronpé nou pou ka patikilié-yo épi nou dépasé dout-yo osijè byin ki gin pou fèt-la ak mal ki gin pou évité-a.
- 1807 *Jistis-la* sé vèrtu moral ki fè moun-nan toujou gin fèm volonté pou-l rinmèt Bondié ak prochin-an sa-l doué yo. Jistis aléga Bondié-a yo rélé-l  
2095 « vèrtu rélijion ». Aléga moun-yo li dispozé pou respékté doua chak moun  
2401 épi pou établi nan rélasyon ant moun-yo bòn antant ki dévlopé égalité-a (équité = balans kòrèk) parapò a moun-yo épi byin komin-an. Moun kòrèk-la, anpil foua yo fè sonjé-l nan Liv Sakré-yo, yo rékonèt li poutèt kalkil li-yo ki abituèlman douat épi poutèt douati konpòtman-l aléga prochin-an. « Pa fè régadan pou moun ki pòv-la, pa fè louanj figi sa-k gin pouvoua-a. Sé yon fason kòrèk pou-ou jijé prochin-ou » (Lv 19, 15). « Mèt-yo, sé pou nou bay ésklav-yo sa-k kòrèk-la ak sa-k égal-la (ékitab-la), antan nou konnin nou minm tou nou gin yon Granmèt nan sièl-la » (Col 4, 1).
- 1808 *Fòs-la* sé vèrtu moral ki bay solidité nan difikilté-yo épi pèsévérans nan chèché byin-an. Li rafèmi désizyon-an nan rézisté kont tantasion-yo épi nan ranpòté viktoua sou sa-k jinnin lavi moral-la. Vèrtu fòs-la bay kapasité pou ranpòté viktoua sou sa k-ap fè moun pè-a, minm sou lanmò-a, pou afronté épèrv-yo ak pèsékision-yo. Li dispozé rivé jous nan rénonse épi sakrifié pròp lavi-a pou défann yon kòz ki kòrèk. « Fòs mouin ak louanj mouin sé Granmèt-la, sé li minm ki sovè-m » (Ps 118, 14). « Sou

tè-a n-ap gin tray, min, konfians, mouin ranpòté viktoua sou tè-a » (Jn 16, 33).

- 1809 *Tanpérans*-la sé vèrtu moral ki kontrolé atirans plézi-yo épi ki bay ékilib nan sèvi ak byin ki nan kréasion-an. Li ranfòsé kontròl volonté-a sou instin-an épi li kinbé dézi-yo (anvi-yo) nan limit ki onèt-yo. Moun ki tanpéran-an réglé anvi sansib li-yo an fonksion byin-an, li kinbé yon bon disènman épi li pa suiv pròp fòs kouraj-li pou-l maché nan konvouatiz kè-l (Si 5, 2 ; cf. 37, 27-31). Nan Ansyin Téstaman-an, anpil foua, yo fè louanj tanpérans-la : « Pa maché dèyè konvouatiz ou-yo épi kinbé kò-ou parapò a plézi-ou yo » (Si 18, 30). Nan Nouvo Téstaman-an, yo rélé-l « modérasion » oubyin « sobriété ». Sé pou nou « viv yon fason réglé (ak sobriété), yon fason kòrèk, yon fason ki sin, nan tan sa-a minm » (Tt 2, 12).

« Byin viv sé pa anyin dèt pasé rinmin Bondié ak tout kè, ak tout nanm, ak tout léspri, [...], pou nou konsèvé san gaté épi toutantié nan rinmin-l nan, sé sa ki tanpérans-la, pou okinn dézavantaj pa krazé nou, sé sa ki fòs-la, pou nou pa sèvi anyin dèt, sé sa ki jistis-la, pou nou véyé nan disèné bagay-yo, pou tronpri ak manti pa atrap nou ofiamézi, sé sa ki prudans-la » (S. Augustin, mor. eccl. 1, 25, 46 : PL 32, 1330-1331).

### Vèrtu-yo épi lagras-la

- 1810 Vèrtu natirèl moun-nan sé ak édikasion-an, aksion volontè épi répété nan fè éfò tout tan ak pèsévérans, yo rivé ginyin yo, lagras Bondié-a pròpté yo épi lévé yo pi ro. Ak sékou Bondié, vèrtu yo fòjé karaktè-a épi yo bay fasilite nan pratiké byin-an. Moun ki gin vèrtu-a jouinn kontantman nan pratiké yo.
- 1811 Li pa fasil pou moun-nan ki blésé ak péché-a kinbé ékilib moral-la. Kado salu-a (sové-a) palintèmediè Kris-la ba nou lagras nésèsè-a pou nou pèsévéré nan chèché vèrtu-yo. Chak moun doué toujou mandé lagras limiè ak fòs sa-a, antan-l apuiyé sou sakréman-yo, antan-l koopéré ak Éspri-Sin-an, antan-l suiv apèl Éspri-Sin-an ap fè-l pou-l rinmin byin-an épi kanpé louin mal-la.

2086-2094,  
2656-2658

## II. Vèrtu téologal-yo

- 1812 Vèrtu naturèl moun-nan yo anrasinin (? pèféksioné) nan vèrtu téologal-yo ki adapté fakilté moun-nan pou-l patisipé nan natu Bondié-a (cf. 2 P 1, 4). Réyéman vèrtu téologal-yo gin rapò dirèktéman ak Bondié. Yo dispozé krétyin-yo pou yo abitué viv avèk Trè Sint Trinité-a. Sé nan Bondié ki Youn épi ki Toua-a yo gin orijîn yo, finalité yo épi sé osijè-l yo yé (li sé objè-yo).

1813 Vèrtu téologal-yo bay konpòtman moral ki pròp pou krétyin-an  
fondman-l, mouvman lavi-l ak karaktéristk-li. Sé yo minm ki bay tout  
2008 vèrtu moral-yo fòm yo ak lavi yo. Sé Bondié ki vidé yo nan nanm fidèl-yo  
épi li fè yo vîn kapab aji tankou pitit li épi mérité lavi pou tout tan-an. Yo  
sé gaj prézans ak aksion Éspri-Sin-an nan fakilté moun-nan. Gin toua  
vèrtu téologal : lafoua-a, éspérans-la ak charité-a (cf. 1 Co 13, 13).

142-175 **Lafoua-a**

1814 Lafoua-a sé vèrtu téologal ki fè nou kouè nan Bondié épi nan tout sa li-  
506 minm li di nou é li révéle nou épitou l'Égliz-la propozé nou pou nou kouè,  
pasé li sé vérité-a minm. Ak lafoua-a « moun-nan rinmèt tèt-li totalman  
libréman bay Bondié » (DV 5). Sé poutèt sa moun ki kouè-a, l-ap fè éfò  
pou-l konnin volonté Bondié épi pou-l fè-l. « Moun ki kòrèk-la [...] sé  
apati lafoua-a li viv » (Rm 1, 17). Lafoua ki vivan-an « aji gras a charité-  
a » (Ga 5, 6).

1815 Kado lafoua-a rété nan moun ki pa fè péché kont li (cf. Cc. Trente : DS  
1545). Min « lafoua-a san travay-yo li mouri » (Jc 2, 26). Lafoua-a, ki pa  
gin éspérans-la ak charité-a, pa fè fidèl-la fè youn ak Kris-la anplin ni li pa  
fè-l tounin manb vivan nan kò Kris-la.

1816 Disip Kris-la pa doué sèlman kinbé lafoua-a épi viv apati li, min an  
2471 plis, li doué déklaré-l, témouagné-l ak asirans épi transmèt li : « Sé pou yo  
tout [...] paré, pou yo déklaré Kris-la dévan moun-yo, épi pou yo suiv-li  
sou chémin koua-a, nan mitan pèsékision ki pa janm manké l'Égliz-la »  
(LG 42 ; cf. DH 14). Sèvis ak témouagnaj lafoua-a obligatoua pou nou  
rivé sovè : « Ninpòt moun k-ap rékonèt mouin dévan lézòm, mouin minm  
tou m-ap rékonèt li dévan Papa-m ki nan sièl-yo. Min moun k-ap nié-m  
dévan lézòm, m-ap nié-l tou dévan Papa-m ki nan sièl-yo » (Mt 10, 32-  
33).

**Éspérans-la**

1817 Éspérans-la sé vèrtu téologal ki fè nou anvi rivé nan Rouayòm sièl-yo  
1024 ak nan lavi pou tout tan-an kòm kontantman anplin-nou, antan nou mété  
konfians-nou nan promès Kris-la épi nou pa apuiyé sou fòs-nou, min sou  
sékou lagras Éspri-Sin-an. « Sé pou nou kinbé déklarasion lafoua nou-an  
san fébli, sa-a ki té promèt-la, li fidèl » (He 10, 23). « Éspri sa-a li vidé  
nan nou k-ap débòdé-a, pa pouvoua Jézu-Kri sovè nou-an ; pou nou vîn  
kòrèk akòz gras li-a, pou nou vîn éritié lavi tout tan-an dapré éspérans la »  
(Tt 3, 6-7).

1818 Vèrtu éspérans-la korésponn ak souaf kontantman anplin Bondié mété  
27 nan kè chak moun-nan ; li ranmasé sa moun-yo ap tann-yo ki inspiré  
aktivité yo ; li pròpté yo pou-l orienté yo nan diréksion Rouayòm sièl-yo ;  
li protéjé kont dékourajman-an ; li soutni nou lè yo lagé nou ; li louvri kè-  
a pi gran nan tann kontantman pou tout tan-an. Élan éspérans-la prezèvè

kont rinmin avèk pou pròp tèt ou-a (« égoïsm »-nan) épi li minnin nan kontantman charité-a.

1819 <sup>146</sup> Éspérans krétyin-an réprann yon lòt foua espérans pèp yo té chouazi-a épi li pèfèksioné-l, sa ki té pran sous-li ak modèl-li nan *espérans Abraam*-nan, nan promès Bondié-yo ki té akonpli nan Izaak épi ki té pròpté nan éprèv sakrifis-la (cf. Gn 17, 4-8 ; 22, 1-18). « Kont espérans la, li koué nan espérans la, pou-l té kapab vîn papa tout pakèt nasion-yo » (Rm 4, 18).

1820 <sup>1716</sup> Dépi lè Jézu kòmansé préché, espérans krétyin-an té kòmansé déplouayé nan anons Béatitud-yo. *Béatitud-yo*, soulvé espérans nou-an nan diréksion sièl-la kòm nan nouvo Tè promiz-la ; yo trasé chémin-an palintèmediè éprèv k-ap tann disip Jézu-yo. Min, palintèmediè Jézu-Kri épi mérit soufrans li-a, Bondié kinbé nou nan espérans ki « pa fè ront »-la (Rm 5, 5). Éspérans-la « nou ginyin-l tankou yon lank ki fèm pou nanm-nou, ki asiré, ki fèm », ki antré jous « koté Jézu pran dévan pou nou, li antré » (He 6, 19-20). Li sé zam-nan tou ki protéjé nou nan konba pou nou sovè-a : « abiyé ak boukliyé lafoua ak rinmin épi kask espérans sovè-a » (1 Th 5, 8). Li ba nou kè kontan minm nan éprèv-la : « Sé pou nou kontan nan espérans-la, sé pou nou gin pasians nan tribilasyon-an » (Rm 12, 12). Yo éksprimé-l épi yo nouril nan priyè-a, sitou nan *Papa nou-an*, rézime tout sa espérans-la fè nou anvi jouinn.

2772

1821 Sé poutèt sa nou kapab espéré gloua sièl-la Bondié promèt moun ki rinmin-l yo (cf. Rm 8, 28-30) épi ki fè volonté-l yo (cf. Mt 7, 21). Nan ninpòt sikonstans, chak moun doué espéré, avèk lagras Bondié, l-ap pèsévéré jous nan bout (cf. Mt 10, 22 ; cf. Cc. Trente : DS 1541) épi jouinn kè kontan sièl-la kòm rékonpans pou tout tan Bondié ap bay pou bon aksion-yo ki fèt gras ak Kris-la. L'Égliz-la ap priyé ak espérans pou « tout moun [...] sovè » (1 Tm 2, 4). Li souaf fè youn ak Kris-la, Épou li-a, nan gloua sièl-la :

2016

1037

« Espéré, espéré, ou minm ki pa konnin kilè jou-a ak lè-a ap rivé. Véyé avèk souin, paské tout bagay ap pasé byin vit, minmsi anvi ou ginyin-an fè sa-k sètèn vîn insètèn, épi li fè yon tan ki kout vîn long. Sonjé plis ou-ap konbat, sé plis ou-ap montré rinmin ou gin pou Bondié-ou la épi sé plis ou pral joui avèk li-minm ou rinmin-an ak yon kè kontan épi yon plézi ki pap janm kapab fini » (Ste. Thérèse de Jésus, excl. 15, 3).

### Charité-a

1822 <sup>1723</sup> Charité-a sé vèrtu téologal ki fè nou rinmin Bondié plis pasé tout bagay poutèt li-minm minm épi prochin nou-an minm jan ak pròp tèt pa-nou poutèt Bondié.

1823 <sup>1970</sup> Jézu fè charité-a tounin yon *kòmandman nouvo* (cf. Jn 13, 34). Antan li rinmin moun pa-l yo « jous nan bout » (Jn 13, 1), li montré rinmin Papa-a

li-minm li té résévoua-a. Antan disip-yo rinmin youn lòt, yo imité rinmin Jézu-a yo minm yo té résévoua nan yo-a. Sé sa-k fè Jézu di : « Minm jan Papa-a rinmin-m nan, sé konsa tou mouin rinmin nou ; sé pou nou rété nan rinmin-m nan » (Jn 15, 9). Épi ankò : « Sa-a sé kòmandman-m nan, sé pou nou youn rinmin lòt, minm jan mouin rinmin nou-an » (Jn 15, 12).

1824 Charité-a, frui Éspri-a épi plénitud Laloua-a, kinbé *kòmandman*  
735 Bondié ak Kris-la. « Sé pou nou rété nan rinmin-m nan. Si nou kinbé kòmandman-m yo, n-ap rété nan rinmin-m nan » (Jn 15, 9-10 ; cf. Mt 22, 40 ; Rm 13, 8-10).

1825 Kris-la té mouri poutèt li rinmin nou lè nou té « ènmi » toujou (Rm 5,  
604 10). Granmèt-la mandé nou pou minm jan avèk li nou rinmin minm *ènmi* nou-yo (Mt 5, 44), pou nou vîn prochin sa-k pi louin-an (cf. Lc 10, 27-37), pou minm jan avèk li nou rinmin timoun-yo (cf. Mc 9, 37) ak pòv-yo (cf. Mt 25, 40. 45).

Apot sin Pòl ba nou yon déskripsion charité-a ki pa gin parèy : « Charité-a gin pasians, li gin bon jan ; charité-a pa fè jalouzi, li pa aji pou-l vanté tèt-li, li pa gonflé kò-l, li pa fè anbisyon, li pa chèché bagay ki pou li-yo, li pa fè kòlè, li pa kalkilé sou sa-k mal, li pa kontan poutèt méchansté, okontrè li kontan pou vérité-a : li sipòté nan tout okazion, li kouè nan tout okazion, li espéré nan tout okazion, li andiré nan tout okazion » (1 Co 13, 4-7).

1826 Apot-la di ankò, san charité-a « mouin pa anyin ». Épi kèlkésoua  
privilèj, sèvis, minm vèrtu... si-m pa t-a gin charité-a, « sa pa sèvi-m anyin » (1 Co 13, 1-4). Charité-a sipériè pasé tout vèrtu-yo. Sé premié nan vèrtu téologal-yo : « Koulié-a minm rété lafoua-a, espérans la ak charité-a, toua sa-yo ; *min pi gran nan yo-a sé charité-a* » (1 Co 13, 13).

1827 Pratik tout vèrtu-yo sé charité-a ki animé-l (ba-l mouvman lavi) épi ki  
815 inspiré-l. Sé li-minm ki « kòd ki maré pou fè fîn kòrèk nèt-la » (*vinculum*  
826 *perfectionis*) (Col 3, 14) ; sé li minm ki *fòm vèrtu-yo* ; li konékté yo ansanm épi li òganizé yo ; li sé sous ak aboutisman pratik vèrtu krétyin-yo. Charité-a rafèmi épi pròpté fakilté rinmin nou ginyin kòm moun-nan. Li soulvé-l jous nan pèfèksion surnaturèl rinmin Bondié-a.

1828 Lè charité-a animé pratik lavi moral-la, li bay krétyin-an libèté spirituèl  
pitit Bondié-yo. Lè sa-a li pa kanpé dévan Bondié tankou yon sèvitè ankò  
1972 nan krint tankou yon ésklav ni tankou yon salarié k-ap tann yo péyé-l, min tankou yon pitit k-ap bay « sa-k té rinmin-l an premié-a » yon répons (1 Jn 4, 19) :

« Sé soua réyèlman nou viré do bay mal-la poutèt nou pè chatiman-an, épi nou tonbé nan santiman ésklav-la ; soua n-ap chèché frui yon salè, poutèt sé pou avantaj-nou nou té akonpli kòmandman-yo, épi sa fè nou sanblé ak salarié ; soua poutèt byin onèt-la li-minm épi charité aléga Sa-a ki ba nou laloua-a [...], épi konsa nou nan santiman afèksion yon pitit » (S. Basile, reg. fus. prol. 3 : PG 31, 896B).

1829 *Fru* charité-a sé kè kontan, lapè épi mizérikòd ; li égzijé rann sèvis-la  
2540 épi koréksion fratènèl-la ; li gin byinvéyans ; li pousé fè byin youn pou lòt  
(résiprosité), li rété san-l pa chèché intèrè pa-l épi li bay ak lajès ; sé viv  
tankou zanmi épi sé kominion :

« Akonplisman tout travay nou-yo sé rinmin-an. Sé la finalité-a yé : sé pou  
sa n-ap kouri ; sé la n-ap kouri alé ; kon nou rivé nan li, nou répozé » (S.  
Augustin, ep. Jo. 10, 4).

### III. Kado ak Frui Éspri-Sin-an

1830 Kado Éspri-Sin-an soutni lavi moral krétyin-yo. Sé dispozision  
pèmanan ki fè moun-nan vîn dosil pou suiv diréksion Éspri-Sin-an.

1831 Sèt *don* (*kado*) Éspri-Sin-an sé sajès, intèlijans, konsèy, fòs, sians,  
1266, 1299 piété épi krint Bondié. Yo té anplin nan Kris-la, Pitit David-la (cf. Is 11,  
1-2). Pou moun ki résévoua yo, vèrtu-yo vîn konplété épi rivé nan  
pèfeksion yo. Yo fè fidèl-yo vîn dosil pou yo obéyi byin vit nan sa Bondié  
inspiré yo.

« Sé pou bon Éspri-ou la kondui-m nan tè ki douat » (Ps 143, 10).

« Ninpòt moun réyèlman ki kité Éspri Bondié-a kondui yo, sé pitit Bondié  
yo yé. [...] Si nou sé ti pitit, nou sé éritié tou ; si nou sé éritié Bondié, nou  
éritié ansanm ak Kris-la » (Rm 8, 14. 17).

1832 *Fru* Éspri-a sé pèfeksion Éspri-Sin-an fòmé nan nou tankou avangou  
736 gloua pou tout tan-an. Tradision l'Égliz-la konté douz : « frui Éspri-a [...] sé  
charité, kè kontan, lapè, pasians, bon jan, bon kè, padon, dousè, lafoua,  
sinplisité, kontrolé mové tandans, réglé plézi kò-a » (Ga 5, 22-23 vulg.).

#### RÉZIMÉ

1833 *Vèrtu-a sé yon dispozision abituèl épi solid pou fè sa ki byin-an.*

1834 *Vèrtu moun-nan kòm moun sé dispozision stab intèlijans-la ak  
volonté-a, ki réglé aksion nou-yo, ki mété lòd nan pasion nou-yo épi ki  
kondui fason nou aji dapré rézon-an ak lafoua-a. Yo kapab òganizé  
alantou kat vèrtu kardinal-yo : prudans-la, jistis-la, fòs-la épi  
tanpérans-la.*

1835 *Prudans-la dispozé rézon pratik-la pou-l disèné sa-k véritab byin nou-  
an nan tout sikonstans épi pou-l chouazi mouayin ki kòrèk pou-l ka  
réalisé-l.*

1836 *Jistis-la sé fèm volonté san rété pou rinmèt Bondié ak prochin-an sa  
yo doué yo-a.*

- 1837 *Fòs-la bay solidité nan difikilté-yo épi pèsévérans nan chèché sa-k byin-an.*
- 1838 *Tanpérans-la kontrolé atirans plézi sansib-yo épi li bay ékilib nan sèvi ak byin ki nan kréasion-an.*
- 1839 *Vèrtu moral-yo grandi ak édikasion-an, aksion volontè épi nan pèsévérans. Lagras Bondié-a pròpté yo épi soulvé yo pi ro.*
- 1840 *Vèrtu téologal-yo dispozé krétyin-yo pou yo abitué viv avèk Trè Sint Trinité-a. Sé nan Bondié yo gin orijîn yo, finalité yo épi objè yo, sètadi Bondié yo konnin ak lafoua-a, yo éspéré épi yo rinmin poutèt li-minm minm.*
- 1841 *Gin toua vèrtu téologal : lafoua-a, éspérans-la ak charité-a (cf. 1 Co 13, 13). Yo bay tout lòt vèrtu moral-yo fòm ak lavi.*
- 1842 *Ak lafoua-a nou kouè nan Bondié épi nan tout sa li-minm li révéle nou épitou l'Égliz-la propozé nou pou nou kouè.*
- 1843 *Ak éspérans-la nou souété jouinn épi n-ap tann ak konfians ki fèm lavi pou tout tan-an Bondié ap bay-la épi lagras pou nou kapab mérité-la.*
- 1844 *Ak charité-a nou rinmin Bondié plis pasé tout bagay poutèt li-minm minm épi prochin nou-an minm jan ak pròp tèt pa-nou poutèt Bondié. Sé li-minm ki « kòd ki maré pou fè fîn kòrèk nèt-la » (vinculum perfectionis) (Col 3, 14) épi sé li-minm ki fòm vèrtu-yo.*
- 1845 *Sèt don (kado) Éspri-Sin-an bay krétyin-yo sé sajès, intèlijans, konsèy, fòs, sians, piété épi krint Bondié.*

[◀Atik  
anvan-an](#)

[Gid jénéral-la](#)

[Atik▶  
apré-a](#)